

TOHAKTIYOTIKHAK



Kilamik Tohaktaghak

NTI-kut Hakkugighivaliutigiyat Inuit-tugaaktut-Inuknik Ikkayokatigiknikut Akkukitumi

(March 25, 2026 – Nuuk, Akkukitok) Ukkua Nunavut Tunngavik Timingat (NTI-kut) Katimayit katimaniaktot tavani Nuuk, Akkukitumi, ublumiuliktitlugo tahapkua nunakjuat hilakjuami pikataoyomavaliaktitlugit tahamani unnapkpalialiktitlugo Ukkiuktaktok.

“Pimagioyok tahamna ihomagilugo tamaita hapkua Inuit huli ilihimayagiaktot hakkugiktumik happuniaktigigiaktot ikkayotigiklutik humilikak tahamani Inuit Nunaatni. Tahamna Ukkiuktaktok niovigaghaongitok. Tahapkua umitjat ingilgayagingitaat, uyagaghiokviongitorok, uvalunin ikalukhiokviongitorok. Tahamna Ukkiuktaktok pihimayavut pihimainakniaktavut angilgavigigaptitku.” Ukallaktok una NTI-kut Angayokangat, Paul Irgaut.

Tohavigilgaakhutjuk ukkua NTI-kut Manilikutaitnik Ukkautiyiovlutik Katimayigalaat Unipkagiyaitnik, ukkua Katimayit pigiatitihimayot kaffinik manilikitjutinik.

Una manighaghanik ikkayohiakutighanik \$100,000 angiktaoyok ihuaghaotighanik Ighivaotaghamik tatvani Inuit Nunnaitni Katimayit Kanatami innigiyaoniaktok Inuinakmit tahamani Kanatami Katimajuaaklutik Iqalungni July 2026-mi.

“Havakvikaluni una Ighivaotaoniaktok tahamani Kanatami piyunauniaktok angiyomik Hivuliktionikmik uktutighanik Kanatamiutauluni Inuinak ublumiuliktitlugo aghugunngaktitlugo hilakjuami tatvalu Ukkiuktaktumi maligagiyait allangukpalialiktitlugit. Ikkayotigilugo una Havakviat nallaomatiaktok ukkua NTI-kut kavamalikinik, ikkayoknikut tatvalu humilikak hilakjuamiut hivuliotiyomayaitnik tatva hakkugighivaligialikmata Inuit ataniktotait tatvalu hakkugighivaliklugit NTI-kut takkughaukatakningat tahamani Ukkiuktaktumi ihomaliokutaitnik” ukkalaktok una Hadjanuak Togligiyaolaktok Angayokamik, Adamie Itorcheak.

Ukkua Katimayit angikhimayat una 20%-mik akkitokpaliutighat ukkua Nunavunmi Angunahuaktiit Ikkayohiakutaitnik Manighakvighait tamaat kititlugit \$2,409,221. Una NHSP havagiyayoyol ikkayotaotkovlugo manighaitnik Inuknun Nunavumi angunahuakutaitnun. Ikkayotaoyok nikkailiokutaovluni tatvalu attokaohimakutaovluni Inuit illiitkuhiktotaitnik akkiliktotaovluni tammayaghaitnik angunahuakutiginik (mikkiyunik angiyuniklo), Kayangnaipkutighanik atoktaghaitnik, tatvalu nunaliitni angunahuakutighaitnik Inuit attiliokataohimayot tatvani Nunavumi Angikutatni tatvalu munagiyavlutik Aviktoghimayoni Inuit Katuyikatigit-kunit kivgaktokhutjuk ukkua NTI-kut.

Kingulikpaak ukkua Katimayit angighimaliktat una angiklilakutighat tahaffuma Uqqujait Innarnut innutkuakhitait illalioiniaktat huli 690-nik Inuit innikninguktunik attiliokataohimayonik tatvani Nunavunmi Angiktutatni, innuhimayot akungani January 1 1959-mi December 31 1961-mi, aolagutiluni April 1, 2026-mi. Tatvalu huli tatkihikhot nungutagangat akkitokpalikniaktok \$250 ataohikmi tatkihikhotimi ikkayohiakutait hunavaluit niovikviitni akkitokpalianginaktitlugit aipagugaikpat (COLA) .

-30-

Pivalialikiyit Tohakvighaat

Brodie Larocque

Hadjakaffuk Ataniolaktok Tohaktitilikiyitkuni

Nunavut Tunngavik Timingat

Media@tunngavik.com